

Erlanger Uni-Summerfest im Schloßgartn

Es Summerfest is widder doo !
Auf kloara Nacht und Mond kummts oo.
Schee is: beim Mondschei si begeechna,
freili derfs doo aa net reechna !

Um die Kartn werd ball grafft,
(es Volk durch eiserna Gitter gafft)
Die Evas ham aus dera Nacht
a Summer-Moodn-Schau scho gmacht.

Klaader: lang, mit Schtelln fier Haut
(mit der Absicht, daß märs schaut-)
Wu kumma denn die Scheena heer ?
Ka Froach ! Natierli vom Frisär ! -

Die Herrn mit Kleidung, schwarz wie Kolln
festli und fast schteif sei wolln.
An Propeller troong die Herrn,
als obs alla Hubschrauber wärn ! -

Der President begrießt die Gest
zum Euro-greßtn Gartnfest.
Die Sorng mit Minchng leßt er lieng,
die schtäredn bloß es Vergnieng ! -

Auf Sand, auf Holz, doch aa auf Schtaa
beweeng si fleißi die Tanz-Baa.
Gehts schlecht, kennt mär ka Getuu,
Platz wär aufm Nachbers-Schuh ! -

Um Zehna nachts es kracht und brummt,
wall es Feuerwerk droo kummt.
Bei dem Zischn, bei dem Knalln
mancha ball in Ohnmacht falln.

Mär siehcht langa Lampion-Schlanga.
Do kenna leicht Leit Feier fanga -
Ka Angst ! Es käm der President
glei mit a poar Professor grennt ! -